

四明叢書

張宗祥



00
2
10

受之鹿臺魑之石椁徧四海無復出者荆山歷山首陽
不一其地後世去古聖賢絕遠旣無所事畏亦無所有
諛而爭獵以自夸耀于是有一事而彼此互相同者此
其意豈不甚可喜也哉

澹臺祠友教堂記

附錄

王雙溪覆文簡謚議曰其學富贍而不雜其識精密而
淵深其發爲文章則根柢六經與韓退之柳子厚相依
倣而馳騁筆力駿駿上薄西漢續作者之派流立後學
之準的太常謚之曰文誰敢異議然文無以見其行己

涖官立朝之大致故又附之以簡按諡法簡有數議一德不懈曰簡平易不訾曰簡正直無邪曰簡一德不懈太常議之詳矣然公才高而氣勁疑若不可附近而接引後進諄諄誘訓不倦焉苟有一善譽聲稱道不厭焉故在學校爲師儒諸生敬之在州里爲鄉先生鄉之子弟慕之是非平易不訾歟起于布衣自致達官當官而行惟義是徇雖無崖異不肯瓦合未嘗以毀譽更其守也太上龍潛公爲宮僚及登大位公方閑退杜門謝事恬淡無求未嘗以進退動其心也是非正直無邪歟請

如太常所議謚以文簡

彭椿年序禹貢論曰其書條理甚備辨正經指者著之于論論凡五十有二論嘗指事說理而當證以山川實地者則事爲之圖圖三十有一至其事不隸虞書而源流本出此經者則又爲後論八篇數千年閒州域更革山川跡道率皆本禹語以爲之宗而後采取歷世載籍以爲之證其所據謂是者必其協諸經而協乃始皆措而其救正前人違悞者亦皆稽案經語而執規矩以格方圓其不合者有狀而指自出若語也至于執以爲據

者惟輿圖史志之所載兵師使驛之所經實有其地甫以立辨至于稗說怪語奇聞異教荒忽誕謾不可案核者悉棄不取嗚呼亦勤矣而無一語不從禹貢以出予乃知眾稱精博者不誣也

陳應行序禹貢論後曰閣學尙書程公曩在經筵進黑水之說上動天聽因以禹貢爲圖啓沃帝心且以東漸西被教暨朔南爲惓惓之忠盡在于此嗚呼大哉言乎

雲濠謹案宋史藝文志載先生禹貢論五卷後論一卷又禹貢論圖五卷四庫書目著錄禹貢論及後論又本永樂大典校爲禹貢山川地里圖二卷提要稱其喜談地理之學所著雍錄及北邊備對

皆刻意冥搜考尋舊蹟是書論辨尤詳周密癸辛
雜誌載其以天官兼經筵進講禹貢闕文疑義疏
說甚詳且多引外國幽奧地理阜陵頗厭之宣諭
宰執云六經斷簡闕疑可也何必強爲之說且地
理既非親歷雖聖賢有所不知朕殊不曉其說想
其治銓曹亦如此旣而補外云云與自序及陳應
行後序所言殊相乖刺夫帝王之學與儒者異程
氏講尚書於經筵不舉唐虞三代之法以資啓沃
而徒炫博奧此誠不解事理然以
詰經而論則考證不爲無功云

國錄楊先生甲

別見趙張諸儒學案補遺

唐先生仲友

詳說齋學案

學易家學

補

宣教劉先生長福

附錄

汪玉山跋劉曼容中復齋記曰曼容生于相門而服用樸儉如寒素之士容止謙退如不勝衣詞氣和平如不能言者非特家法之純質性之厚蓋其學問講習所以省察涵養非一日積也嘗受易學于朱公子發取中行獨復之義名其所居之齋曰中復而范陽張先生爲之記或曰易之道大矣復之六四曰中行獨復繫辭則曰以從道也而已非其盛也而獨有取也何哉曰聖人之言本末貫通體用備具顧所以充之者如何耳孔子曰

加我數年五十以學易可以無大過矣而西晉之士更相稱許則曰我能成天下之務能通天下之志能不疾而速不行而至蓋不必問其如何而知其爲妄人也曼容之于易探索玩味終其身而不厭然其所自處如此亦可見其擇然固執強學力行不欺不愧皆非苟然者矣

雲濠謹案曼容蓋先生之字以其爲忠肅孫故曰生于相門也

文簡家學

農卿程先生覃

程覃字會元嘉定六年爲提舉兩浙常平茶鹽擢沿海制置司事以東錢湖它山堰灌漑甚博每遇湮圯始置田租以所收歲給濬導者蠲海錯果蔬之征以惠民化

四明志

梓材謹案先生官至脩撰農鄉爲文簡第三子延祐四明志又稱其造服器以勸學城郭戎器倉場橋道以至公府與鄉飲酒之器具纖悉留意人服其整云

附錄

程洺水誌其墓曰蓋公自初筮地不遠親事必咨稟殯亦告之于墓人稱其孝也中外踐更餘五十年凡表表

以政事聞于時者皆終身佩服文簡公之訓飭也哀家藏副本之書以益鄉校新稽古之閣以壯儒風建四橋以惠鄉井而猶卷卷然見于家居之日嗚呼足以見其仁至義盡之亡所終窮也

正惠程先生卓

程卓字從元休寧人淳熙中試禮部第一遷刑部郎中嘗使金議論不屈金人憚之後知泉州民爲立祠尋召

同知樞密院事

姓譜

梓材謹案陳定宇集有云程文簡公泰之窮經考古之學極高乃姪正惠公從元之文固善云云則

先生固得文
簡之家學者

文簡門人

軍監王雙溪先生炎

寺丞黃先生何

並見嶽麓諸儒學案補遺

蘇氏續傳

庶官蘇先生洞

別見荆公新學略補遺

農卿家學

程先生端升

程端升農卿子升預漕舉則農卿喜見顏色曰一薦未

足喜且喜詩書氣脈不斷云

程涒水集

正惠門人

吳先生垌

別見嶽麓諸儒學案補遺

忠肅續傳

提舉劉先生震孫

劉震孫字長翁渤海人忠肅公六世孫官右司寶祐間
提舉廣東常平倉倣東坡在杭蓄錢糧作病坊故事相
爽塏址于威遠門之內穹堂闕其左醫局其右修廊病
無依者以告外峙崇門以壽安顏其院全活甚眾

李文溪集

長民續傳

朱先生元昇

詳見張祝諸儒學案

徐芹西先生道泰

徐道泰號芹西延平人著河洛本始集先儒之說定九爲河圖十爲洛書以正啓蒙之誤其言曰河圖洛書皆出于上世伏羲則之以造易因河圖對待之位而畫先天八卦因洛書流行之位而畫後天八卦大禹復則之以作範以河圖九數爲體敘九疇之綱以洛書十數爲用敘九疇之目其敘九功則以河圖五行水火金木土

逆剋之序爲六府其治水別州則以洛書水木火金土
順生之序畫九州其說具載本始書與甬東王太古所
著易說問答之書若合符契云

胡氏定正洪範集說序

王太古先生塾翁

別見晦翁學案補遺

胡先生一中

胡一中字允文會稽人深有得王文吳三先生洪範之
說撫其所長而訂正之分經別傳以傳附經自成一書
名之曰定正洪範

貢玩齋集

梓材謹案黃氏千頃堂書目以先生爲諸暨人字允大元紹興路錄事又案王文吳三先生王謂魯

齋文謂本心吳謂草廬也見先生自序

附錄

陳顯曾跋先生定正洪範集說曰以九爲圖以十爲書
劉氏之說允文宗之其必有所見矣

雲濠謹案四庫全書存目錄定正洪範二卷提要
云案河圖洛書名見繫詞不云有關於洪範漢書
五行志始載劉歆之言稱禹治洪水錫洛書法而
陳之洪範是也於是洛書始合于洪範然猶未及
河圖胡氏又因歆有河圖洛書相爲經緯八卦九
章相爲表裏之文遂以河圖洛書併合于洪範而
又參以陳搏先天之說所列二十八圖大抵支離
破碎至于無偏無黨亦以五行生剋立論尤爲無
理其以九爲河圖十爲洛書沿用劉牧之說于彼
法之中自生繆繆猶其少焉者矣且闕其錯簡之

說有云胡氏欲仿朱子考定大學經傳之例強爲分別又云旣稱一行十三字何以于庶民錫汝保極以七字而錯一簡五皇極曰皇建其有極以九字而錯一簡曰王省惟歲以下復以八十七字錯一簡也第其自序言因括蒼鮑氏有定正武成之論以竹簡每行十三字而定其差究非無因云

泰山續傳

趙木訥先生鵬飛

趙鵬飛字企明號木訥子綿州人著有春秋經筌十六卷其意以說經者拘泥三傳各護師說多失聖人本旨故爲此書主于據經解經亦孫明復之流派然明復好持苛論先生則頗欲原情其平允之處亦不可廢

四庫書目

提要

木訥春秋經筌

春秋非始乎隱也始乎平王之末也凡諸儒欲以一事而當春秋之始者皆妄也

總論

莒入向向近魯魯人疑莒爲東鄙之侵故以此示威其後因紀子帛爲密之盟遂與莒結浮來之好

隱二年無駭帥師入

以文王之聖而事昆夷以太王之賢而事獯鬻隱公何疵焉唐之盟非得已也

秋八月公及戎盟于唐